



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ant. Augustini Archiep. Tarracon. De Emendatione Gratiani Libri Duo

Agustín, Antonio

Dvisbvirgi ad Rhenvm ; Arnhemii, 1676

VI. De duplici octava synodo

urn:nbn:de:hbz:466:1-10603

De duplici Octava Synodo.

DIALOGUS SEXTUS.

C Et Græcos libros duorum concilior. & Latinos attulimus. Sed prius velim scire abs te, cur utrumque *octavum* appelletur: *nonnum* enim qui dicunt, quod posterius est ordinem temporum sequuntur. A. Tertiam opinionem omittis: sunt qui *Florentinum concilium octavum* quoque generale vocent, illis duob. ut opinor, rejectis. Qui vero Hadriani minoris pro Ignatio contra Photium concilium, ut à posteriori Joannis synodo abrogatum rejiciunt, octavam generalem synodum hanc appellant. Illam tamen octavam fuisse, antequam ab hac improbaretur, negare non possunt. B. Qui Florentinum concilium octavum dicunt, quo pacto interpretantur verba professionis Romanorum Pontificum apud Ivonem, ^a & Gratianum ^b relata, & in concilio Constantiensi, sessione xxxix. *Sancta octo universalis concilia, primum Nicænum &c. octavum quoque CP. usque ad unum apicem immutillate servare profiteor?* A. Non video,

^a Ivo lib. 2. tit. II. cap. 15. panorm. & part. 4. cap. 132. decret. ^b Dist. 16. c. 8. sancta.

deo, quid dicere possint. ¹ Sed major difficultas ex eisdem verbis nascitur, num de priore octavo sub Hadriano minore, an de posteriore sub Joanne, quod illud prius abrogat, intelligantur. C. Si utrumque concilium generale est, ex auctoritate Romani Pontificis habitum, & prius concilium à posteriore abrogatur, posterius solum obtineat, necesse est. A. In Græco libro nuper ex Italia ad me perlato multa continentur contra Photium à Romanis Pontificibus acta post utramque octavam synodum. Quæ me facile in eam sententiam trahunt, ut credam non confirmasse Joannem synodum à Legatis CP. habitam. B. Hoc ipsum testatur Joannes de priore synodo, non fuisse ab Hadriano confirmatam. A. Quid si hoc falsum est & à Photio effectum, ut in aliis fictis subscriptionibus & falsis legatis Patriarcharum à synodo vincitur? Huc accedit quod si totam eam synodum Hadriani rejicimus: quæ Photius contra Nicolaum Pontificem, & Ignatium Patriarcham egit, approbari videntur. Sunt igitur magis consentanea, & veri magis similia, ut quæ pro auctoritate Romanæ Ecclesiæ à prioribus Pontificibus non solum Nicolao, & Hadriano, sed

¹ De inscriptione capitis octavi Sancta. dist. 16. scriptum est lib. I. dial. 20. addit. 14.

sed & ante eos à Leone quarto, & Benedicto tertio contra Photium, & Gregorium Syracusanum Episcopum Photii consecratorem acta, & scripta sunt: eadem à Joanne IIX. Marino, Hadriano tertio, Stephano VI. & Formoso comprobata sint: quod Græce scriptum invenio verbis rescriptorum eorundem Pontificum allatis. Quibus adduntur Joannis noni litteræ ad Stylianum Neocæsariensem, qui cum multa contra Photium ad Stephanum VI. Pontificem scripisset, postea mutare sententiam visus est aliis litteris ad hunc Joannem datis. In illis ad Stephanum missis ait, deceptos esse à Photio Paulum, & Eugenium Episcopos à Joanne IIX. missos ad Ignatium de Bulgarorum regione, quem cum mortuum invenissent, à Photio donis ab Imp. minis persuasi sunt, ut coram clero, & populo CP. dicerent, se missos esse contra Ignatium, & ut Photium absolverent. Postea Petrum ab eodem Pontifice missum esse, & hunc cum Paulo, & Eugenio, Photium receptum esse à sede Apostolica Romana, publice dixisse. B. Horum trium legatorum nomina inveni ab Ivone, ^a & Gratiano ^b esse relata. A. Quærentur eorum verba. B. Ivonis verba sunt. *Ex actione v. synodi Constantinopolitane*
CCCLX.

^a Ivo par. 7. cap. 149. decret. ^b 7. q. 1. c. 45.
hoc nequaquam.

CCCLXXXIII. patrum sub Joanne Papa VIII, cui præfuit Petrus presbyter Cardinalis, & Paulus Anconitanus Episcopus, & Eugenius Ostiensis Episcopus. *Apocrisarii Papæ dixerunt: Hoc nequaquam apud nos habetur &c.* C. Eadem fere verba Gratianus refert. Unde in quinta actione CP. civitatis synodo &c. *Apocrisarii Papæ dixerunt &c.* A. In libro Cæsaraugust. ^a ita est. VI. synodi CP. CCCLXXXIII. patrum sub Joanne Papa VII. *Apocrisarii Papæ dixerunt &c.* Hæc mendosa sunt neque enim hæc VI. synodus est, sed octava, vel nona habita ratione aliarum generalium aut quarta vel quinta habita loci ratione, ² C. Non satis intellego, cur eam quar-

tam,

^a Cæs. lib. 9. c. 62.

² Ante caput 45. Hoc nequaquam. 7. q. 1. hæc verba sunt in eodem libro. Unde in quinta actione Constantinopolitanæ synodi CCCLXXXIII. Patrum, sub Joanne Papa octavo, cui præfuit Petrus presbyter Cardinalis, & Paulus Anconitanus Episcopus, & Eugenius Ostiensis Episcopus Apocrisarii Papæ dixerunt. In margine est. Ivo p. 7. c. 149. Et in notis. In quinta] Apud Ivonem par. 7. c. 149. pro indice hujus capituli leguntur hæc. Ex actione quintæ synodi Constantinopol. CCCLXXXIII. patrum sub Joanne Papa VIII. cui præfuit Petrus presbyter

tam, vel quintam dicas. A. Fuere ante hanc generales septem, quæ vel à locis nomen habent, ut Nicæna, CP. Ephesina, Chalcedonensis, & quinta CP. iterum. & sexta item CP. tertium, & septima Nicæna posterior. Vides ante hanc tres Constantinopolitanas, quarta est, quam octavam sub Hadriano appellant, quinta hæc sub Joanne IIX. non VII. Quod si illa octava ut abrogata tollitur è medio, hæc erit octava generalis, & ratione loci quarta CP. C. Jam recte hæc mihi explanata sunt. Sed incidi

ter Cardinalis, & Paulus Anconitanus Episcopus, & Eugenius Ostiensis Episcopus. Initium vero ipsius capituli est, Apocrisarii Papæ dixerunt. Hoc nequaquam. *In extremo hoc capite additur etiam in notis.* Hæc synodus sub Joanne octavo extat Græca in Vaticana bibliotheca. Cujus synodi tres tantum canones cum explanatione Balsamonis editi sunt Lutetiæ, & apud ipsum inscribitur, Synodus in templo sapientiæ habita sub Photio Patriarcha. In secundo autem trium illorum capitulo habetur sententia hujus capituli. Visum autem est, ut omnia melius percipiantur, locum hunc Græce, & cum nova interpretatione esse adscribendum. *Φώτιος ὁ πατριάρχης, &c.* id est, Photius Patriarcha dixit &c.

cidi in librum *Dominici Jacobatii de conciliis*, in quo referebat veterum canonistarum, sic enim dicere solet, opinionem fuisse nihil differre octo, an quattuor dicas fuisse generalia concilia. Et quod Gregorius^a ait, sicut sancti evangelii quattuor libros, sic quattuor concilia suscipere, & venerari me fateor: quod repetit Gregorius VII. *lib. vii. registri*: & Ivo,^b & Anselmus,^c & Gratianus,^d & alii^e referunt. Et beatus Isidorus^f ait, quattuor sunt venerabiles synodi, quæ totam principaliter fidem complectuntur, quasi quattuor evangelia, vel totidem paradisi flumina. Hæc, inquit, verba non ad sola quattuor priora concilia pertinent, sed etiam ad quattuor posteriora. Octo enim esse generalia concilia fatentur ex verbis professionis Romani Pontificis, de quibus hodie dictum est. **B.** Quo pacto Gregorius, & Isidorus, qui sexta, septima, & octava synodo fuerunt priores, de his cogitare potuerunt; **C.** Ratione, & auctoritate moventur. Rationem adferunt, quod quattuor loca fuerint generalium conciliorum, in quib. quattuor locis

^a *Lib. I. epist. 24. registri.* ^b *Ivo part. 4. cap. 117. decret.* ^c *Ans. lib. 6. cap. 52.* ^d *Distin. 15. c. 2.* ^e *Cas. lib. I. c. 36. Tarr. lib. I. c. 150.* ^f *Isid. lib. 6. 16. etymol. Grat. dist. e. c. I.*

octo generalia concilia habita sunt : Nicæa, CP.
Ephesus, & Chalcedon. Ut cum dicimus quat-
tuor esse Patriarchas , CP. Alexandrinum, An-
tiochenum, & Hierosolym. nullam habemus
rationem successionis personarum , quæ per-
multæ fuerunt. B. O plumbeum pugionem!
Hac ratione generalia non erunt Lateranensia
concilia, Lugdunensia, Viennense, Constan-
tense, Florentinum, Tridentinum : quod non
eisdem locis habita fuerint, quibus illa quat-
tuor prima. 3 A. Dic de auctoritate. C. Utun-
tur auctoritate Innocentii tertii, quæ utrique
C c vestrum

3 *Initium capitis primi distin. 15. in eodem libro
est. Canones generalium conciliorum (ut Isi-
dorus ait lib. 6. etymol. c. 16.) à tempore Con-
stantini cœperunt &c. In marg. est. Pann. l. 2.
c. 104. Ante cap. 2. e. distin. hæc sunt. De quat-
tuor vero concilijs scribit B. Gregorius ita di-
cens lib. 1. regesti epist. 24. Sicut sancti Evan-
gelii &c. In marg. est. vero) al. quoque. In scho-
lio capitis 8. Sancta octo. dist. 16. hæc sunt. Sancta
VIII. (mendose pro Sancta octo) hæc concilia di-
cuntur octo, quia octies sunt celebrata, ut hic
dicuntur, & quattuor quia in quattuor locis
celebrata, ut sup. dist. proxi. sicut. (Hæc censu-
ra caret.)*

vestrum maxima est: cujus verba^a tam in ter-
tia collectione, quam in Gregoriana inveniun-
tur: quos etiam libros rejicere non licet. A.
Magnam tu quidem moves expectationem,
Recita verba. C. *Verum postulationi hujusm. vi-
debatur concilii Constantinopolitani capitulum ob-
viare, in quo statutum est: ut quicumque de Pon-
tificali dignitate ad monach. vitam, & penitentia
locum descenderit, nequaquam ulterius ad Ponti-
ficatum resurgat.* B. Hoc idem caput est concilii
octavi sive noni, cujus verba referunt Ivo,^b &
Gratianus,^c & Cæsaraug. liber.^d Et vere In-
noc. ait esse hoc concilii CP. capitulum. C. au-
di reliqua. *Unde contra dictum concilium, cum
sit unum ex quattuor principalib. qua sicut quat-
tuor evangelia ecclesia catholica veneratur, nulla-
tenus videbatur eorum postulatio admittenda.* Vi-
des hic Gregorii verba ad hoc posterius concil.
referri. Audis hoc concilium, de cujus aucto-
ritate dubitabamus, quasi unum ex quattuor
evangelis esse venerandum. B. In rescriptis
Pontificum multa sunt ex advocatorum allega-
tionibus accepta: sic hoc fuit ab Innocentio
scriptum,

^a De renun. cap. 5. post translationem. in 3. col-
lect. & cap. 11. e. tit. Gregor. IX. ^b Ivo d. par. 7.
6. 149. ^c 7. q. 1. c. 45. hoc nequaquam. ^d Cæ-
sar. d. lib. 9. cap. 62.

scriptum, quod putaret illum verum dicere, qui abusus est illa veterum canonistar. tuorum opinione. Canones autem concilii Constant. primi non erant Latinis noti, ut Nicolaus ad Michaëlem scribit. Licet in Corpore canonum inveniuntur. Unde facile impositum est huic Pontifici, ut crederet id caput esse ejus concilii, cum sciret esse alicujus CP. C. Ivo, & Gratian. aperte dicunt esse *concilii CP.* sub *Joanne XIX.* non sub *Damaso.* 4 A. Hoc etiam confirmatur ex Græca synodo, & ex *Nomocanone* Joannis Zonaræ & Theodori Balsamonis, & Alexii Aristeni, in quibus tres canones sunt hujus concilii, quod in templo sanctæ Sophiæ habitum esse dicitur. Illic etiam sunt *xvii. canones* alterius concilii CP. in templo beatorum Apostolorum habiti, quod ex prima, & secunda synodo dicunt. Credo propter duas quasdam

C c 2 synodos

4 *Hæc inscriptio est capitis undecimi Post translationem. de renuntia. in editione Romana. Idem (Innoc. III.) Episcopo Faventin. in Archiepiscopum Raven. electum. In marg. est. Cap. 5. eo. tit. in 3. compilatione. In scholiis ad illa verba, cum sit unum ex quattuor principalib. &c. Ex quatuor) Et sunt hæc scilicet Nicænum, Constantinum, Ephesinum primum, & Chalcedonensem (scribe, Chalcedonense) 15. dist. sicut.*

synodos contra Ignatium habitas quæ improbatæ sunt à Nicolao, & Hadriano minore, licet in posteriore interfuerint Rodoaldus, & Zacharias Legati Nicolai, quos ut prævaricatores Nicolaus in synodo Romana deposuit. Ex his xvii. capitib. nihil est apud Gratianum, quod ciam. Ex illis vero tribus primum caput vix ferendum est de Italis excommunicatis à Joanne Papa non recipiendis à Photio: item ut excommunicati à Photio non recipiantur à Joanne Papa, neque à Romana ecclesia salvis privilegiis Romanæ ecclesiæ, & ejus Pontificis. Alterum caput est id, de quo agitur, plenius apud Græcos scriptum, quam apud Latinos. *Et si antea, inquit, aliqui Episcopi in monach. habitum demissi, in Pontificali coacti sunt permanere, & id agentes contemnebantur: sancta synodus decernit hac esse corrigenda juxta ecclesiasticam disciplinam. Statuit igitur: ut si quis Episcop. aut alius Antistes ad monachor. vitam velit pervenire &c.* B. Quæ Latini referunt non ex verbis canonis initio concepta esse videntur, sed ex actione v. & ex verbis Apocrisariorum, sive Legatorum. A. Sic etiam est ante verba canonis in Græco libro. *Interrogante enim Photio Legatos Romanos ipsi respondent, quos, non Apocrisarios, sed πομπηεντας Græcus vocat liber: τὸ πᾶρ ἡμῶν ἔκ ἐστὶν &c.* Nunc si placet, varietatem trium libror. Latinorum videamus.

videamus. Pro voce *habeatur*, Ivo, & Cæsar-
 augustan. *habetur*, scribunt aptius. Græce est,
 ἔχειν, ἔδὲ σώζεται. Quod Gratianus scribit,
ordine & habitu: illi scribunt, *ordine*, aliis omif-
 sis: Græci τάγματ. Quod Gratianus, *ad mo-
 nachorum*, addunt illi, *id est, penitentium*. Græ-
 ci, τῆς μετάνοιαν. Pro voce *vitam* qua
 Latini utuntur, Græci χώρον, hoc est, *locum*
 scribunt. pro, *in episcopatum reverti*, Ivo, &
 Cæsaraug. habent, *ad Pontificatum reverti*. Græ-
 ci, τὸ τῆς ἀρχιερωσύνης ἐαυτῶ διεδικεῖν ἀξίωμα.
 Item *præcepit sancta synodus &c.* Hæc sunt ex ca-
 none secundo, ita scribenda. *Item Præcepit &c.*
 ut Ivo, & Cæsaraug. notant. Quod Gratianus
 ait, *de Pontificali dignitate, habituque*, in Cæ-
 saraugust. est, *de Pontificatu*, apud Ivonem, *de
 Pontificali dignitate*, aliis omissis. Græce est,
 τὸ ἀρχιερατικῶς ἀξίωματ. Pro illis, *& peni-
 tentie descenderit locum*, in Cæsaraug. est, *descen-
 derit*. apud Ivonem, *& ad penitentie descenderit
 locum*. Græci habent, ἢ τὸ γὰρ μετάνοίας τόπον
 ἀναπληρῶσαι. Pro voce, *nequaquam*, habet
 Cæsaraugust. *ne jam*, & Ivo, *nequaquam jam*.
 Græci μηκέτι, & pro, *resurgat*, ἀντιποιέσθαι.
 Quod sequitur *Monachorum enim vita subiectio-
 nis habet verbum*: sub obscurum efficit vox *ver-
 bum* pro *ratione* positum, quod vox λόγον u-
 trumque significet. Ivo *vitam*, pro *vita*, non

recte habet. In libro Cæsaraug. hæc verba desiderantur. Illud Gratiani est : *Hoc ad penitentiam &c.* quæ Ivo non habet. Apud Græcos alia quoque sunt, ex quibus videtur hoc idem confirmari. Tertio can. anathema dicitur laico verberanti, aut capienti ex quacunque causa Episcop. De capitibus octavæ synodi sub Hadriano cras agemus; quamvis ordine perturbato.

De eadem Synodo Octava Hadriani.

DIALOGUS SEPTIMUS.

B. Noluī te heri interpellare, sed hodie peto abs te, cur putes *Petrum presbyterum* ante duos Episcopos legatos Joannis nominari; quorum alter Ostiensis est, cui datum est, ut pallio utatur, cum Pontificem Maximum consecrat. Nunc eum Decanum Cardinalium appellant, & princeps totius ordinis est. **A.** Quærendum etiam erit, cur postremus Ostiensis appelletur. Fortasse tunc Episcopi non dicebantur Cardinales, sed soli presbyteri & diaconi. Et si quis eorum Episcopus eligeretur, non amplius ex collegio Cardinalium erat, sed Episcopus Antenitanus puta, vel Bononiensis, vel alterius civitatis dicebatur. Et inter Episcopos ordo
tempo-